

ORDENANZA 4.27
PREZO PÚBLICO POLA PRESTACIÓN DE SERVICIOS E REALIZACIÓN DE
ACTIVIDADES NAS INSTALACIÓN DEPORTIVAS MUNICIPAIS

Artigo 1º. Fundamento e natureza

De conformidade co previsto no artigo 41 do Real Decreto Legislativo 2/2004, de 5 de marzo, polo que se aproba o texto refundido da Lei reguladora das Facendas Locais, este Concello establece o prezo público pola prestación de servicios e realización de actividades nas instalacións deportivas municipais.

Artigo 2º. Concepto

1. O prezo público regulado nesta Ordenanza constitúe unha prestación patrimonial de carácter público que se satisfará polos usuarios que voluntariamente soliciten a prestación dos servicios ou a realización de actividades desenvolvidas nas instalacións deportivas municipais que a continuación se detallan:
 - 1.1. Pavillóns polideportivos non ubicados en Centros Públicos de Ensino
 - 1.2. Pavillóns polideportivos ubicados nos Centros Públicos de Ensino, que son:
 - P.P. Monte dos Postes
 - P.P. Lamas de Abade
 - P.P. Quiroga Palacios
 - P.P. Apóstolo Santiago
 - P.P. Vite I
 - P.P. Pío XII
 - P.P. Roxos-Villestro
 - 1.3. Campos de Fútbol de Santa Isabel, As Cancelas, San Lázaro I e San Lázaro II
2. Se con posterioridade ao establecemento do presente prezo público, cesasen na prestación do servicio as instalacións deportivas privadas que actualmente concurren na realización de actividades similares ás que se desenvolven nas instalacións deportivas municipais, o prezo público transformarase en taxa.
3. En caso de resultar preceptiva a transformación anterior, o Concello aprobará a Ordenanza fiscal correspondente reguladora da taxa pola prestación de servicios nas instalacións deportivas municipais, que entrará en vigor a partir da data na que se publique no Boletín Oficial da Provincia a súa redacción definitiva.
4. Cando os prezos públicos por servicios nas instalacións deportivas municipais, de carácter periódico teñan que transformarse en taxa pola causa prevista no apartado 2º, non será preciso realizar a notificación individual á que se refire o art. 102.3 da Lei

58/2003, de 17 de decembro, Xeral Tributaria, sempre que o suxeito pasivo e a cuota da taxa coincidan co obrigado ó pago e o importe do prezo público ó que substitúe.

Artigo 3º. Obrigados ó pago

Están obrigados ó pago do prezo público regulado nesta Ordenanza quen solicite ou se beneficie da prestación de servizos ou da realización de actividades nas instalacións deportivas municipais.

Artigo 4º. Contía

1. O prezo público que se debe pagar ó Concello pola prestación de servizos ou pola realización de actividades nas instalacións deportivas municipais, cinguirase ás seguintes tarifas:

4.1. PAVILLÓNS POLIDEPORTIVOS NON UBICADOS EN CENTROS PUBLICOS DE ENSINO

- a) Actividades deportivas. Adestramentos e competicións sen cobro de entrada. Por hora ou fracción 6,60 €
- b) Competicións de carácter oficial con cobro de entrada. Por partido .53,05 €
- c) Ximnasio do Polideportivo de Santa Isabel; por hora ou fracción 3,20 €
- d) En todos os casos a que se refiren os apartados a) e b) e c), pagarase un suplemento de 4,05 €, por hora ou fracción, por utilización de luz eléctrica nas datas e horarios seguintes:
 - Do 1 de setembro dun ano ó 31 de maio do ano seguinte: a partir das 19,00 h.
 - Do 1 de xuño ó 31 de agosto de cada ano: a partir das 21,00 h.
- e) Utilización dos polideportivos para espectáculos deportivos:
 - Con cobro de entrada 199,20 €
 - Sen cobro de entrada 39,85 €
- f) Utilización dos polideportivos para espectáculos ou actos extradeportivos..... 796,60 €

No caso de que o servizo estea suxeito a IVE, á tarifa correspondente engadiráselle o importe do mesmo.

4.2. PAVILLÓNS POLIDEPORTIVOS UBICADOS EN CENTROS PÚBLICOS DE ENSINO

- a) Actividades deportivas. Adestramentos e competicións sen cobro de entrada. Por hora ou fracción 4,35 €
- b) Competicións de carácter oficial con cobro de entrada.

Por partido 33,15 €

c) En todos os casos a que se refiren os apartados a) e b), pagarase un suplemento de 4,05 €, por hora ou fracción, por utilización de luz eléctrica nas datas e horarios seguintes:

- Do 1 de setembro dun ano ó 31 de maio do ano seguinte: a partir das 19,00 h.
- Do 1 de xuño ó 31 de agosto de cada ano: a partir das 21,00 h.

d) Utilización dos polideportivos para espectáculos ou actos extradeportivos 398,35 €

No caso de que o servizo estea suxeito a IVE, á tarifa correspondente engadiráselle o importe do mesmo.

4.3. CAMPOS DE FÚTBOL DE SANTA ISABEL, CANCELAS, SAN LAZARO I E SAN LAZARO II

4.3.1. Campo de Fútbol de Santa Isabel, San Lázaro I e San Lázaro II

A utilización e custo desta instalación deberá ser aprobada puntualmente pola Xunta de Goberno Local, previo informe da sección de Deportes

4.3.2. Campo de Fútbol das Cancelas

a) Actividades deportivas. Adestramentos e competicións non oficiais sen cobro de entrada. Por hora ou fracción 13,35 €

b) Competicións de carácter oficial sen cobro de entrada. Por partido 33,15 €

c) Competicións de carácter oficial con cobro de entrada. Por partido 66,35 €

d) En todos os casos a que se refiren os apartados a), b), e c) pagarase un suplemento de 6,40 €, por hora ou fracción, por utilización de luz eléctrica nas datas e horarios seguintes:

- Do 1 de setembro dun ano ó 31 de maio do ano seguinte: a partir das 19,00 h.
- Do 1 de xuño ó 31 de agosto de cada ano: a partir das 21,00 h.

No caso de que o servizo estea suxeito a IVE, á tarifa correspondente engadiráselle o importe do mesmo.

2. Non orixinarán o pago destes prezos públicos as actividades realizadas e os servizos prestados nas instalacións deportivas municipais anteriormente mencionadas, consistentes en:

- a. Horas destinadas á Educación Física escolar ou actividades escolares dos Centros de Ensino públicos ou concertados do municipio, así como dos Centros de Educación Especial e Centros de Atención a discapacitados, con supervisión dun profesor, en horario lectivo.
- b. Actividades de clubs deportivos e entidades que desenvolven escolas deportivas municipais e/ou deporte de base de promoción municipal
- c. Actividades da propia Sección de Deportes e/ou actividades deportivas doutros departamentos municipais
- d. Adestramentos e competicións oficiais dos Clubs Deportivos Federados da cidade, así como aquelas outras de carácter oficial nas que sexan organizadores
- e. Actividades e competicións organizadas polas diferentes federacións deportivas.
- f. As actividades deportivas e non deportivas autorizadas expresamente pola Xunta de Goberno Local.

Artigo 5º. Normas de xestión

1. A obriga do pago do prezo público orixinarase no momento en que inicie a prestación do servizo ou a realización da actividade nas instalacións deportivas municipais.
2. O Concello de Santiago, por medio do Organo encargado da administración deste prezo público, poderá esixir un depósito previo para responder, se é o caso, das indemnizacións polos desperfectos que poidan producirse na pista ou calquera outro servizo complementario. Este depósito poderá constituirse en metálico, mediante aval bancario ou póliza de seguros. Devolverase o seu importe, previo informe do Xefe da Sección de Deportes no que conste que non se causaron danos ou que éstos foron reparados.
3. O pagamento do prezo público correspondente ós espectáculos de carácter extradeportivo, que non formen parte da programación de calquera departamento municipal, deberá realizarse na Tesourería Municipal cunha antelación mínima de 48 horas á súa celebración.

Os gastos de persoal de servizo discontinuo (billeteiros, porteiros, vixiantes, electricistas,...) serán por conta dos organizadores do acto. As necesidades deste tipo de persoal serán fixadas a suízo da Sección de Deportes, tendo en conta o tipo de actividade que se vaia desenvolver. Así mesmo os organizadores correrán cos gastos de limpeza que se deriven da celebración dos citados actos

4. Calquera outro tipo de pagamento do presente precio público farase nas oficinas da Sección de Deportes Municipal.
5. Cando por causas non imputables ó obrigado ó pago do prezo, o servizo ou actividade non se preste ou non se desenvolva, procederá a devolución do importe correspondente.

Disposición derradeira

A presente Ordenanza foi aprobada de xeito provisorio polo Pleno da Corporación na sesión celebrada o día oito de novembro de dous mil catro. Se non se presentan reclamacións enténdese aprobada definitivamente. Comezará a aplicarse a partir do primeiro de xaneiro do ano dous mil cinco, e aplicarase mentres non se acorde a súa derogación ou modificación